

# 14. Irantawaitakajeri Atziripaye Iroperori Antawairentsi.

Ari amatakero amperi atziripaye iroperori antawairentsipaye anampitsiteki onkantya jiriperotantajiari. Ari nojewatakantakero iroperori antawairentsi ishekitantajiari aireekite ashi eejatzi ishekitakantyariri oireekite anampitsite eejatzi kirepakoripaye.

Ijewatantyarori Awinkatsrite antawairentsika ontzimatye:

(a) ijewatakante iroperori apatotaantsi tsikanta isaikajeite kirepakoripaye, iratzirite awinkatsarite, yotaantsipankoripaye onkantya jamentyarori antawaire iroperori yotanetaantsi, ashi yotaantsitaki . Onkantya Ojewatantyarori irantawaire yotaneripaye antawaiyetatziri anampitsiteki eejatzi jamenakotantyarori kametsaini apimantayetziri pashinikipaye Nampitsi;

(b) jantakante Kantakantantsi jewatakanterone eejatzi ampinkatsateri maaroni antawairentsikipaye onkantya ontzimantyarori iroperori kenkitsawaitaantsi;

(c) ari inkantakowentakero antawaire japatotaantsite irashi antawairiatsipaye saikatziri anampitsiteki. Impikatsatakantero Kantakantaantsi okantakantziri ashi antawairentsi paitachari (OIT);

(d) ijewatakantero iroperori antawairentsi ashi orijanikipaye Apatotaantsi shekitakairiri kireeki ashi pankiwairentsipaye eejatzi oitsokakairiri kireeki;

(e) jantakante Kantakantaantsi ampitakoterone antawaire ashi apotaantsipaye shekitakairiri kireeki;

(f) jampitakotero orijanikipaye Apatotaantsi aantayetzirori antawairentsi akotsiki;

(g) ari jampitakotakero Apatotaantsipaye antaritakairi oireekite. Iyometsairo owakerari yotaantsi onkantya oyotantyariri antawaitakairi kireeki saikatziri

anampitsitekipaye;

(h) ari inkantakowentakero kamantaantsi ashi antawairentsipaye. Iyotantyarori atziripaye tsika impimantero iwankiwairepaye eejatzi tsika okaratzi owinaropayeni;

(i) eero ishinetakantziro Awinkatsarite iraye aparopaye atziri osheki kireeki eejatzi iraye kapicheni kireeki;

(j) iwetsikakante owakerari antawairentsi ashi tsinanepaye, mainaripaye eejatzi antarikonapaye.

(k) Imperi antawairentsi Awinkatsarite atziripaye saikantaperotarori inampitsite. Iwetsikeniri owakerari antawairentsi irashi atziripaye kisoporokiri;

(l) maaroni antawairiantsipaye irashi pinkatsaripaye eejatzi kirepakoripaye ontzimatye imonkaratawakajia ipinaitsiriri irantawairekipaye;

(m) maaroni antawaire omishitowakantziri anampitsitepaye kaari saikatsine antarokipaye nampitsi ontzimatye intsipariajeniro Awinkatsarite kametsaperoini anampitsitepaye.

(n) Jowayeriteri maaroni atziripaye antawaitakairiri kariperoripaye antawairentsi eentsipaye;

(o) ijewatakantero iroperoripaye antawairentsi. Inkantakowentajeri irantawaire atziripaye;

(p) ijewatakante iroperori apatoirentsi tsikanta osaikajete Apatotaantsipaye shekitakairiri kireeki, irashi antawairiantsipaye, ashi anampitsitepaye eejatzi irashi Awinkatsarite. Jamenakotantyarori tsika inkantero ijewatakantero iroperoripaye antawairentsi;

(q) jimonkarakantero antawaire antawairentsipaye eejatzi irashi kireeki ayotantyarori tsika okanta ojewatsi antawairepaye.